

ՔԱՂԱՔԱՑԻԱԿԱՆ ԻՐԱՎՈՒՆՔ ԵՎ ԴԱՏՎԱՐՈՒԹՅՈՒՆ

ԱՊԱՑՈՒՅԵԼՈՒ ԱԶԱՏԵԼՈՒ ՀԻՄքԵՐԸ ՔԱՂԱՔԱՑԻԱԿԱՆ ԴԱՏՎԱՐՈՒԹՅՈՒՆՈՒՄ

ՍԵՐԳԵյ ՄԵՂՐՅԱՎԸ

ԵՊՀ քաղաքացիական դատավարության
ամբիոնի վարիչ, իրավ. գիտ. թեկն., դրենատ

Qործը քննելու ու լուծելու համար Զշանակություն ունեցող որոշ փաստեր օրենքի ուղղակի ցուցումով ապացուցման առարկայի մեջ չեն մտցվում, դատական քննության ընթացքում չեն հետազոտվում և հերքվել չեն կարող: Այդ փաստերն ընդունվում են որպես ճշմարտություն, որն ապացուցման կարիք չի գգում:

Փաստերն ապացուցելուց ազատելու հիմքերը նախատեսված են ՔԴՕ-ի «Ապացուցելուց ազատելու հիմքերը» վերտառությամբ 52-րդ հոդվածով: Օրենքը նախատեսում է ապացուցման կարիք չունեցող հանգամանքների երկու տեսակ՝

1) հանրահայտ հանգամանքներ (լատիներեն «factum notorium» եզրույթից, որը թարգմանաբար նշանակում է հանրահայտ փաստ),

2) նախադատելի փաստեր (լատիներեն «praejudicium» եզրույթից, որը թարգմանաբար նշանակում է նախապես որոշված, կանխորոշված):

Դանրահայտ փաստեր: Թեև օրենքն այդ մասին ուղղակիորեն չի նշում (մինչեւ պետք էր)՝ հավանաբար նկատի ունենալով այն հանգամանքը, որ ապացուցման առարկան որոշում է դատարանը, կարելի է եզրակացնել, որ այս կամ այն հանգամանքը հանրահայտ ճանաչելու իրավունքը տրված է դատարանին: Գործին նաև ակցող անձը, իհարկե, իրավունք ունի առարկելու փաստի և ննան փաստի առկայության, և դրա հանրահայտության դեմ այդ կապակցությամբ ներկայացնելով իր դիր-

քորոշումը, սակայն յուրաքանչյուր դեպում դատարանն է որոշում փաստի հանրահայտության հարցը¹:

Հանրահայտության չափանիշներ ՔԴՕ-ն չի սահմանում, ինչը, կարծում ենք, իրավական անորոշություն է ստեղծում և գործնականում կարող է տարակարծությունների տեղիք տալ: Մեր կարծիքով, նպատակահարմար կլիներ օրենքով սահմանել, որ փաստը դատարանը կարող է ճանաչել հարահայտ և չնույնացնել ապացուցման առարկայի շրջանակ երեք չափանիշների առկայության դեպքում:

ա) այն հայտնի է գործը քննող դատարանին,

բ) դատարանի ներքին համոզմամբ այն հայտնի է կամ պետք է հայտնի լինի անձանց լայն շրջանակի (ՀՀ-ի կամ տվյալ դատական տարածքի բնակչության մեծամասնությանը), այդ թվում՝ գործին մասնակցող անձանց,

գ) այդ փաստերի մասին արժանահավատ տեղեկություններ կարելի է ստանալ հանրանատչելի աղբյուրներից (հանրագիտարաններից, պաշտոնական իրատարակություններից, պարբերական մանուլից և այլն):

Նվաճ չափանիշների միաժամանակյա առկայության դեպքում հանրահայտ կարող է ճանաչվել գործի լուծման համար նշանակություն ունեցող ցանկացած հանգամանք: Փաստը հանրահայտ ճանաչելիս դատարանն ըստ էության հիմնվում է իր արտադատական փորձի վրա²:

Լ.Ե. Վլադիմիրովը կարծիք է հայտնում, որ այս կամ այն հանգամանքը կարող է հանրահայտ ճանաչվել, եթե այդպիսին է ճանաչվել գործին մասնակցող բոլոր անձանց կողմից:³ Նման դիրքորոշումն արդա-

Թագրած չի թվում: Չէ՞ որ գործին մասնակցող անձը կարող է վիճարկել փաստի հանրահայտությունը գործը տանու չտալու, դատավարությունը ձգձգելու կամ այլ շարժառիթներով: Ուստի, մեր կարծիքով, վերը նշված չափանիշների կիրառումը պետք է բավարար համարել: Բացի այդ, փաստի ընդունումը ևս որոշ դեպքերում հիմք է ապացուցման առարկայի կազմից այն հանելու համար, սակայն փաստը հանրահայտ չի դարձնում:

Գործը լուծելու համար նշանակություն ունեցող այս կամ այն փաստը հանրահայտ ճանաչելու վերաբերյալ առաջարկություն կարող են անել նաև գործին մասնակցող անձինք, սակայն այդ հարցի վերաբերյալ վերջնական եզրահանգումը կատարում է դատարանը։ Ընդ որում, դատարանը պարտավոր է գործը դատաքննության նախապատրաստելու կամ դատաքննության ընթացքում ապացուցման պարտականությունը բաշխելու պահին կողմերին իրազեկել այս կամ այն փաստը հանրահայտ ճանաչելու մասին՝ համապատասխանաբար նշումներ կատարելով նախնական դատական նիստի կամ գործի դատաքննության ընթացքում վարվող արձանագրության մեջ։⁴

Եթե դատարանը գործը լուծելու համար նշանակություն ունեցող այս կամ այն փաստը ճանաչում է հանրահայտ, այդ մասին նրա դիրքորոշումը պետք է արտացոլվի նաև Վճռում: Ընդ որում, տվյալ դատական տարածքում հանրահայտ լինելու մասին դատարանի եզրակացությունը կարող է արվել առանց որևէ ապացույց վկայակոչելու, եթե դրա հանրահայտության հանգամանքը դատարանին հայտնի է:

Նախադատելի փաստեր: Դատավարագիտության մեջ նման փաստերը կոչվում են նաև «պրեյուդիցիաներ», «պրեյուդիցիալ փաստեր», «կանխորեն որոշված փաստեր» կամ դատարանի՝ օրինական ուժի մեջ մտած վճռով կամ դատավճռով հաստատված փաստեր:

ՔՂՕ 52-որ հոդվածի 2-որ և 3-որ մասե-

Գործին մասնակցող անձանց համար նախադատելիությունը նշանակում է որոշակի սահմաններում ապացուցման պարտականությունից ազատում, ինչպես նաև կրկնակի ապացուցման կամ ննան հանգամանքները հետագա դատավարություններում հերթելու արգելք, իսկ դատարանի համար ենթադրում է պարտականություն՝ ներմուծելու ննան հանգամանքը նոր կայզողո դատական ակտում:

ՔԱՂԱՔԱՅԻԿԱՆ ԻՐԱՎՈՒՆՔ ԵՎ ԴԱՏԱՎԱՐՈՒԹՅՈՒՆ

Լիությունը այն է, որ գործն ըստ էռլյան լուծող դատական ակտը օրինական ուժի մեջ մտնելուց հետո դատարանի կողմից հաստատված և վճռում կամ դատավճռում ձևակերպված փաստերը չեն կարող կասկածի տակ դրվել կամ կրկին հետազոտվել նույն անձանց մասնակցությամբ ուրիշ գործերի քննության ժամանակ:

Վճիռների փոխադարձ պարտադիրությունը բացատրվում է նրանով, որ դատարանը, նույն անձանց մասնակցությամբ քննելով քաղաքացիական գործ, մանրազնին հետազոտում է բոլոր ապացույցները և կայացնում դատարանում պարզված իրականությանը համապատասխան վճիռ: Եվ երբ այդ վճիռը մտնում է օրինական ուժի մեջ, ապա դրանով հաստատված փաստերը, գործողություններն ու իրավահարաբերություններն այլևս կասկած չեն հարուցում:⁶

Վճիռների փոխադարձ պարտադիրությունը հետևանք է նաև այն բանի, որ միևնույն իրավաբանական փաստը հաճախ կարող է միաժամանակ առաջացնել տարբեր նյութահրավական հետևանքներ, տարբեր իրավահարաբերություններ, որոնք դատական քննության առարկա կարող են դառնալ տարբեր ժամանակներում, տարբեր գործերով, տարբեր դատական մարմիններում, և նույն փաստն անընդհատ չհաստատելու համար առաջին գործով կայացված վճռով հաստատված փաստը պարտադիր է համարվում նաև մյուս գործերի համար:⁷

Դ.Ա. Ֆուրսովը հիմնավորված կարծիք է հայտնել, որ դատական ակտերի պրեյունիցիալ կապերի ամրագրումն օրենքով իրականացվում է ապացուցման գործընթացը պարզեցնելու նպատակով՝ հաշվի առնելով այն հանգամանքը, որ իրավաբանական փաստերը և առանձին փաստակազմերն արդեն քննության առարկա են եղել նույն անձանց մասնակցությամբ գործով,

որոնք ունեցել են հնարավորություն արտահայտելու իրենց կասկածները, փաստարկները և դիրքորոշումը:⁸

Նախադատելիությունը կարևոր նշանակություն ունի դատավարական խնայողության, դատական ակտերի միջև անհաղթահրեթի հակասությունների և դատական ակտերի մրցակցության պորբեմի կանխարգելման տեսանկյունից: Օրինական ուժի մեջ մտած վճռի տվյալ հատկանիշի շնորհիվ գործնականում բացառվում են միևնույն փաստերի տարբեր, հակասական գնահատումը, որը կարող է առաջացնել իրավական անորոշություն, դատական իշխանության հեղինակության անկման պատճառ դառնալ և դիտվել որպես իրավունքի գերակայության սկզբունքի ոտնահարում:⁹

Ընդհանուր իրավասության առաջին ատյանի դատարանի դատական ակտի նախադատելիությունն ունի օբյեկտիվ և սուբյեկտիվ սահմաններ:

Օբյեկտիվ սահմաններ են կազմում օրինական ուժի մեջ մտած վճռի պատճառաբանական մասում նշված բոլոր այն հանգամանքները, որոնք դատարանը հաստատված և ապացուցված է համարել գործը ըստ էռլյան քննելու և ապացույցները գնահատելու արդյունքում, ինչպես նաև օրինական ուժի մեջ մտած դատավճռով հաստատված՝ որոշակի գործողությունները կատարելու և դրանք կոնկրետ անձի (անձանց) կողմից կատարելու հանգամանքները: Ընդ որում, պրեյունիցիալ նշանակություն կարող են ունենալ ինչպես դրական (հաստատող), այնպես էլ բացասական (ժխտող) հանգամանքները:¹⁰

Ուշագրավ է, որ ՔԴՕ 52-րդ հոդվածում խոսքը բացառապես քաղաքացիական և քրեական գործերով կայացված և օրինական ուժի մեջ մտած դատական ակտերով հաստատված հանգամանքների նախադատելիության մասին է: Նախկինում քննված վարչական գործով հաստատված հանգամանքները նույն անձանց մասնակցությամբ քաղաքացիական գործի շրջանակ-

Աերում օրենսդրի կողմից որևէ կերպ չեն արժեսորվել: Տվյալ հանգամանքը թերևս կարելի է եական բացթողում համարել: Համեմատության համար նշենք, որ ՎԴՕ 27-րդ հոդվածի 2-րդ նասով սահմանվում է, որ նախակինում քննված քաղաքացիական կամ վարչական գործով օրինական ուժի մեջ մտած դատարանի վճռով հաստատված փաստերը միևնույն կողմերի մասնակցությամբ որևէ գործ քննելիս վերստին ապացուցման կարիք չունեն: Ակնհայտ է, վարչական դատարանի վճռով հաստատված հանգամանքները ևս պետք է նախադատելի նշանակություն ունենան նույն անձանց մասնակցությամբ քաղաքացիական գործի համար:

Դատական ակտերի նախադատելիության (պրեյուդիցիալ կապի) օրյեկտիվ սահմանների հարցին անդրադառնալիս ՀՀ վճռաբեկ դատարանն իր որոշումներից մեկում կարևորել է երկու հանգամանք, որոնց անդրադառնալը խիստ նպատակահարմար են համարում:

Առաջին՝ վճռով հաստատված հանգամանքները նույն անձանց մասնակցությամբ այլ գործ քննելիս դատարանի համար նախադատելի նշանակություն ունենալ չեն կարող, եթե նախակինում քննված քաղաքացիական գործով այդ հանգամանքները հաստատվել են առանց ֆորմալ դատավարական կանոնների ձևական պահպանման՝ ապացույցների հավաքման, հետազոտման և գնահատման դատավառական կանոնների կոպիտ խախտմամբ:

Երկրորդ՝ նախակինում քննված քաղաքացիական գործով օրինական ուժի մեջ մտած դատարանի վճռով հաստատված հանգամանքները նույն անձանց մասնակցությամբ այլ գործ քննելիս դատարանի համար նախադատելի նշանակություն ունենալ չեն կարող նաև այն դեպքերում, եթե վերաբերելի չեն եղել նախակինում քննված քաղաքացիական գործով հայցի առարկային, չպետք է դասվեին հաստատման ենթակա հանգամանքների շարքին և մտցվեին ապացուցման առարկայի մեջ:

Վճռաբեկ դատարանը վճռով հաստատված հանգամանքների նախադատելիության որոշման համար փաստորեն կարևորել է նաև ապացուցման առարկայի՝ վեճի լուծման համար նշանակություն ունեցող հանգամանքների ծիշտ որոշման հարցը: Ըստ վճռաբեկ դատարանի՝ նախադատելիության օբյեկտիվ սահմանները որոշվում են հանգամանքների այն շրջանակով, որոնք պետք է հաստատված լինեն օրինական ուժի մեջ մտած դատական ակտով, ուստի ապացուցման առարկայի սահմանների կամայական ընդլայնումը հանգեցնում է գործով կայացված դատական ակտով հաստատված որոշակի հանգամանքների նախադատելիության բացառման:¹¹

Նախադատելիության օբյեկտիվ սահմանների մասին խոսելիս հարկ է նկատի ունենալ, որ պրեյուդիցիալ նշանակություն կարող են ունենալ դատական ակտով հաստատված փաստական հանգամանքները, այլ ոչ թե դրանք հաստատող ապացույցները:

Նախադատելի նշանակություն չի կարող ունենալ նաև օրենքի մեկնաբանության մասին գործը քննած դատարանի իրավական դիրքորոշումը: Այս կապակցությամբ ՀՀ վճռաբեկ դատարանն իր որոշումներից մեկում նշել է, որ դատարանի իրավական դիրքորոշումը նախադատելի հանգամանք համարվել չի կարող, եթե դատարանն իրավասու է իրավունքի սեփական ընկալման իինքով կատարել որոշակի եզրահանգումներ: Ըստ վճռաբեկ դատարանի՝ նախադատելի այս դեպքում կարող է լինել հաստատված հանգամանքը, սակայն ոչ դատարանի իրավական դիրքորոշումը:¹²

Դատական ակտով հաստատված նախադատելի փաստերը պետք է տարբերել նաև վարչական և այլ մարմինների (դատախազության, նախաքննության մարմինների, ոստիկանության, արքիտրաժի և այլն) ակտերով հաստատված փաստերից: Դատավարական օրենքը գործին մասնակցող անձանց չի ազատում նշված մարմին-

ՔԱՂԱՔԱՅԻԿԱՆ ԻՐԱՎՈՒՆՔ ԵՎ ԴԱՏԱՎԱՐՈՒԹՅՈՒՆ

Ների՝ ակտերով հաստատված փաստերն ապացուցելուց: Այդ փաստերն ապացուցման առարկայից չեն հանվում: Միաժամանակ, նման ակտերը, լինելով գրավոր ապացույցներ, կարող են, իսկ երբեմն պետք է կցվեն քաղաքացիական գործին:

Նախադատելիությունը դատական ակտերի փոխադարձ պարտադիրությունն է, որը դրսորվում է նրանց պրեյուդիցիալ կապում: Նախադատելիությունն օրենքի ուժով կանխորոշիչ դերակատարություն է ունենում նոր դատական ակտի համար: Օրինական ուժի մեջ մտած սկզբնական դատական ակտի նախադատելիությունը պայմանավորում է նոր կայացվելիք դատական ակտի բովանդակությունն այն մասով, որը վերաբերում է նախկինում քննված այլ գործով արդեն իսկ հաստատված հանգամանքներին:

Սուրբեկտիվ սահմաններն այն անձինք են, որոնց համար դատական ակտով հաստատված հանգամանքներն ունեն նախադատելի նշանակություն: ՔԴՕ 52-րդ հոդվածի բովանդակությունից ուղղակիորեն բխում է, որ փաստերը կարող են նախադատելի նշանակություն ունենալ միայն այն անձանց համար, որոնք մասնակցել են գործի քննությանը:

Նախադատելիության ինստիտուտի կիրառումն անթույլատրելի է այն դեպքերում, երբ սկզբնական և հաջորդող դատավարությունների շրջանակներում գործին մասնակցող անձինք հանդինենում են մասնակիորեն:¹³ Գործին մասնակցող անձանց կազմի փոփոխությունը կարող է չի հանգեցնել կանխորեն որոշված հանգամանքների վերարակման: Սակայն գործին մասնակցող այն անձինք, որոնք չեն մասնակցել նախորդ գործով դատաքննությանը, կարող են վիճարկել նման փաստերի արժանահավատությունը և գոյությունը: Այդ մասին է վկայում ՔԴՕ 52-րդ հոդվածում օգտագործված «նույն անձանց միջև» ար-

տահայտությունը:

Միևնույն ժամանակ ուշադրության են արժանի երկու հանգամանքներ, որոնք յուրովի ազդում են դատական ակտով հաստատված հանգամանքների անհերթելիության և կայունության վրա:

1) Նախորդ գործի քննությանը մասնակցած անձանց կազմի նեղացման դեպքում հաջորդող դատավարության մասնակիցների կազմը ձևականորեն փոփոխվում է: Սակայն նախորդ գործով հաստատված հանգամանքների և հավաքված ապացույցների վերաբերյալ այլ տեսակետ ունեցող կամ դատավարությանը մասնակցելու և իրենց շահերը պաշտպանելու հնարավորություն չունեցած նոր սուբյեկտներ այստեղ ի հայտ չեն գալիս: Հետևաբար, մեր կարծիքով, նման դեպքերում պրեյուդիցիայի կիրառումը պետք է համարել թույլատրելի:

2) Նախորդ գործի քննությանը մասնակցած անձանց կազմի ընդլայնման դեպքում պրեյուդիցիայի կիրառումը թույլատրելի պետք է համարել բացառապես այն դեպքերում, եթե նախորդ գործի քննությանը չմասնակցած անձինք տվյալ գործով հաստատված հանգամանքների գոյության և արժանահավատության կապակցությանը որևէ առարկություն չունեն:

Դատական ակտերի նախադատելիության (պրեյուդիցիալ կապի) սուրբեկտիվ սահմանների մասին խոսելիս անհրաժեշտ է հաշվի առնել ևս մեկ կարևոր հանգամանք, որը հատուկ ընդգծվել են ՀՀ վճռաբեկ դատարանի կողմից:

Որևէ հանգամանքի նախադատելիության որոշման համար չափազանց կարևոր է դատավարական կանոնը, ըստ որի՝ գործով հաստատված որևէ հանգամանքի նախադատելիությունը պետք է պայմանակորչի այդ հանգամանքի՝ մրցակցային դատավարության կանոններով հաստատված լինելու փաստի հետ: Եթե հանգամանքը հաստատվել է կողմերից մեկի դատավարական հնարավորությունների սահմանափակվածության պայմաններում (օրի-

նակ՝ երբ կողմը պատշաճ չծանուցվելու պատճառով չի մասնակցել դատաքննությանը), Վճռով հաստատված հանգանքն այլ գործ քննող դատարանը պետք է չծանաչի որպես նախադատելի իր կողմից քննվող գործի համար:¹⁴

Վճռաբեկ դատարանի իրավական դիրքորոշման համաձայն՝ կոնկրետ գործով նամրակրկիտ դատական ստուգման է Ենթակա նախադատելիության բացառման յուրաքանչյուր դեպք, և միայն նման ստուգման արդյունքներով գործը քննող դատարանը կարող է հանգել օրինական ուժի մեջ մտած դատական ակտով հաստատված հանգանքների նախադատելիության նասին եզրակացության:¹⁵

Ի. Զայցևը և Ս. Աֆանասևը համրահայտ և նախադատելի փաստերն ընդհանրացված ծևով անվանում են «անվիճելի փաստեր», ինչը Օ.Վ. Բառուինի դիպուկ բնորոշմանը չի բխում տվյալ երևույթների առանձնահատկություններից: Ըստ հեղինակի՝ դատարանում կարող է վիճարկվել և փաստի համրահայտությունը, և նախադատելիությունը, որոնք սկզբունքորեն բացառում են նման փաստերի նկատմամբ «անվիճելի» եզրույթի կիրառումը:¹⁶

Նախադատելի փաստերի հաստատման համար գործը քննող դատարանին անհրաժեշտ է ներկայացնել միայն կայացված և օրինական ուժի մեջ մտած դատական ակտի (դատավճիռ, վճիռ) պատճենը: Փաստը նախադատելի ծանաչելիս դատարանը պետք է մատնանշի այն ապացույցը (վճիռը, դատավճիռը), որով հիմնավորվում է տվյալ փաստի նախադատելի բնույթը: Այլ հիմնավորումներ և պատճառաբանություններ չեն պահանջվում:

Անվիճելի փաստեր: Դատավարագիտության և դատավարական օրենսդրության մեջ որպես ապացուցելու պարտականությունից ազատ կամ այն փաստվում նաև փաստի ընդունումը կամ այն չվիճարկելը, որի պատճառով փաստական հանգանքն ըջ համարվում է ընդուչված կամ չվիճարկվող և որոշ դեպքերում կարող է հանվել ա-

պացուցման առարկայից: Փաստորեն դրանք ի հայտ են գալիս այն դեպքում, երբ կողմերից մեկն ընդունում է այն փաստերը, որոնք ընկած են մյուս կողմի պահանջների կամ առարկությունների հիմքում: Ընդհանրացված ծևով նման հանգանքները հաճախ կոչվում են «անվիճելի փաստեր»:

Դատավարական օրենսդրությունը «անվիճելի հանգանքներ» և «չվիճարկվող հանգանքներ» եզրույթները չի օգտագործում:

ՔԴՕ-ի «Ապացուցելուց ազատելու հիմքերը» վերտառությամբ 52-րդ հոդվածում անվիճելի փաստերը չեն հիշատակվում այն պարզ պատճառով, որ «փաստի ընդունումը գործին մասնակցող անձանցից մեկի կողմից ապացուցման պարտականությունից ազատելու մասնավոր և ոչ բացարձակ դեպք է»¹⁷:

ՔԴՕ 64-րդ հոդվածի 2-րդ մասի համաձայն՝ գործին մասնակցող անձի կողմից այն փաստն ընդունելը, որի միջոցով մյուս անձը հիմնավորում է իր պահանջները կամ առարկությունները, պարտադիր չէ դատարանի համար:

Դատարանը կարող է ընդունված փաստը համարել հաստատված միայն այն դեպքում, եթե կասկածներ չկան, որ դա համապատասխանում է գործի հանգանքներին, և կողմն այն չի ընդունել խաբեության, բռնության, սպառնալիքի, մոլորության ազդեցության տակ, մեկ կողմի ներկայացուցիչ հետ մյուս կողմի չարամիտ համաձայնության հետևանքով կամ ծշմարտությունը թաքցնելու նպատակով: Նման կասկածների արկայության դեպքում դատարանը տվյալ փաստը ներառում է ապացուցման առարկայի մեջ և դատական նիստում հետազոտում է այն հաստատող կամ ԺԱՄ-ու ապացույցները:

Բացի այդ, դատարանը կարող է ընդունված այս կամ այն փաստը ներառել ապացուցման ենթակա փաստերի թվում՝ Ելնելով արդարադատության շահերից կամ ապացուցման միջոցների թույլատրելիության կամոններից: Օրինակ՝ եթե ընդուն-

ՔԱՂԱՔԱՅԻԱԿԱՆ ԻՐԱՎՈՒՅՔ ԵՎ ԴԱՏԱՎԱՐՈՒԹՅՈՒՆ

վում է մի փաստ, որի անարժանահավատությունն առերևույթ ակնհայտ է, կամ որը պահանջը քննելու նախապայման է համարվում (օրինակ՝ համատեղ սեփականատեր լինելու համգանքը կողմերին համատեղ սեփականության իրավունքը պատկանող գույքը բաժանելու պահանջը քննելու համար), կամ որը կարող է ապացուցվել բացառապես օրենքով նախատեսված ապացուցմերով (օրինակ՝ անշարժ գույքի սեփականատեր լինելու, տվյալ անձից սերված լինելու, դատարանի վճռով անգործունակ ճանաչված լինելու փաստերը), դատարանը պետք է այդ փաստը ներարի ապացուցման առարկայի մեջ և ապացուցման պարտականությունը բաշխելիս ապացուցման բեռը դնի համապատասխան անձի վրա:

ՔԴՕ 64-րդ հոդվածի 2-րդ մասի վերլուծությունը թույլ է տալիս եզրակացնելու, որ ընդուված փաստը հաստատված համարելու դատարանի լիազորությունը հայեցողական է: Այն իրականացնելիս դատարանը պետք է վճռի պատճառաբանական մասուն առանձին-առանձին նշի՝ որ փաստերն են ճանաչվել չվիճարկվող և ինչ շարժառիթներով՝ ցույց տալով, թե գործին մասնակցող անձանցից որն է առաջադրել տվյալ փաստը, ով է այն ընդունել և ինչպես¹⁸:

Եթե այս կամ այն փաստը դատարանի կողմից ճանաչվում է անվիճելի, այն հանվում է ապացուցման առարկայից, համարվում է հաստատված և իիմք է ընդունվում վեճի լուծնան համար՝ դրա վերաբերյալ վեճի բացակայության հիմքով:

Փաստն անվիճելի համարելու համար գործնական կարևոր նշանակություն ունի այն հարցը, թե երբ կարելի է խոսել տվյալ փաստն ընդունելու մասին:

Գործող դատավարական օրենսդրության վերլուծությունը թույլ է տալիս եզրակացնելու, որ փաստի ընդուննան մասին:

նախևառաջ կարելի է խոսել բոլոր այն դեպքերում, երբ մի կողմի առաջադրած հանգանաքը հակադիր կողմուն հանդես եկող գործին մասնակցող անձինք ուղղակիորեն ընդունել են իրենց կողմից ներկայացված դատավարական փաստաթղթով (գրավոր) կամ դատական նիստի ընթացքում արված հայտարարությամբ (քանակոր): Դատավարդի ստուգայան մեջ փաստի ընդուննան ննան եղանակը հաճախ անվանվում է «խոստովանություն»¹⁹: Պետք է նկատի ունենալ, դատարանից դրւս արված (արտադատական) խոստովանությունը, եթե կողմն այն չի հաստատում նաև դատարանում, ոչ թե ապացույց է, այլ ապացուցական փաստ, որն իր հերթին ենթակա է ապացուցման:

Դատավարական փաստաթղթով կամ դատական նիստի ընթացքում արված հայտարարությամբ ընդունված փաստերը՝ որպես անվիճելի փաստերի տարատեսակ, կոչվում են «ընդուված» փաստեր, որոնցից հարկավոր է տարբերել «չվիճարկվող» փաստերը:

ՔԴՕ 95-րդ հոդվածի 5-րդ մասի համաձայն՝ սահմանված ժամկետում հայցադիմումի պատասխան չներկայացնելը դատարանը կարող է գնահատել որպես պատասխանողի կողմից հայցվորի վկայակոչչած փաստերի ընդունում: Բացի այդ, ըստ ՔԴՕ 48-րդ հոդվածի 3-րդ մասի, եթե կողմը դատաքննության ընթացքում հրաժարվում է (խուսափում է) դատարանի կամ դատավարության մասնակիցների հարցերին պատասխանելուց կամ դատարանին ցուցմունքներ տալուց, ապա դատարանը մյուս կողմի միջնորդությամբ կամ իր նախաձեռնությամբ կարող է անհիմն համարել կողմի հրաժարվելը (խուսափելը) ցուցմունքներից և պատասխանից, իսկ գործի այն փաստական հանգանքները, որոնց վերաբերյալ կողմը հրաժարվում (խուսափում) է ցուցմունք կամ պատասխան տալուց, կարող է համարել ապացուցված: Դատավարական օրենքում ննան նորմերի առկայությունը թույլ է տալիս եզրակացնելու,

որ այս կամ այն փաստը դատարանը կարող է անվիճելի և հաստատված համարել նաև այն դեպքերում, երբ կողմն այն ուղղակիորեն չի ընդունում, սակայն վերը նշված եղանակով ցուցաբերված անգործությամբ չի վիճարկում։ Տվյալ դեպքում կարելի է խոսել անվիճելի փաստերի տառատեսակ հանդիսացող «չվիճարկվող» փաստերի մասին։

Դատավարագիտության մեջ կարծիք է հայտնվել, որ անվիճելի պետք է համարել ցանկացած փաստ, որի դեմ կողմերն առարկություն չեն ներկայացրել և ընդունել են լրությամբ:²⁰ ՀՀ քաղաքացիական դատավարության պայմաններում նշան դիրքորոշումը հիմնավորված կարող է համարվել միայն ՀՀ ՔԴՕ-ի 95-րդ հոդվածի 5-րդ և 48-րդ հոդվածի 3-րդ մասերով ամրագրված դրույթների կիրառման տեսանկյունից։ Բացի վերը նշվածներից, պասիվ վարքագիքի այլ եղանակները (այդ թվում՝ լրությունը) որևէ գործնական նշանակություն ունենալ չեն կարող։

Միևնույն ժամանակ դատարանը պետք է արձագանքի գործը լուծելու համար նշանակություն ունեցող այս կամ այն հանգանքի կապակցությամբ կողմերի լրությանը՝ պազելով, թե արդյոք նրանք ընդունում են տվյալ փաստի արկայությունը։ Եվ եթե ապացուցման պարտականություն կրող կողմն ընդունի տվյալ փաստի գոյությունը, դրա հետագա ապացուցման անհրաժեշտությունը դատարանը կարող է վերացած համարել։²¹

Չի կարող փաստի ընդունում համարվել նաև գործին մասնակցող անձի կամ նրա ներկայացուցչի չներկայանալը դատական նիստից²²։ Ներևս հրոմեական իրավունքում նման վարքագիծը, ինչպես նաև լրությունը դիտվում էին որպես «պատասխանի բացակայություն, այլ ոչ համաձայնություն»²³։

Գործին մասնակցող անձի կողմից փաստն ընդունելու վերաբերյալ դրույթները ՔԴՕ-ի «Գործին մասնակցող անձանց ցուցմունքները» վերտառությամբ 64-րդ հոդվածի շրջանակներում նախատեսելը,

մեր կարծիքով, այնքան էլ ճիշտ չէ։ Որպես հետևանք՝ իրավակիրառական պրակտիկայում հանդիպում են դեպքեր, երբ դատարանը դատական նիստում արված հայտարարությամբ ընդունված փաստը համարում է հաստատված, եթե այն ընդունող կողմը դրա ընդունումը հաստատում է նաև իր կամ հակառակ կողմի նախաձեռնությամբ ցուցմունք տալիս։ Մինչդեռ ակնհայտ է, որ անձը կարող է այս կամ այն փաստն ընդունել կամովին, և այդ կապակցությամբ նրան ցուցմունք տալուն հարկադրելը չի բխում դատավարական խնայողության սկզբունքից և կարող է գործնարացի անտեղի ծգձգման պատճառ դարձնալ։

Գործին մասնակցող անձանց պահանջների և առարկությունների հիմքում ընկած որևէ փաստի (փաստերի) ընդունումը նեղացնում է ապացուցման առարկան, դատարանին հնարավորություն է տալիս որոշել վիճելի փաստերի շրջանակն ու իր ուշադրությունը կենտրոնացնել միայն դրանց ապացուցման վրա։

Փաստի ընդունումը դատավարական խնայողության միջոց է, որը հիմնվում է կողմի՝ իր նյութական և դատավարական իրավունքները տնօրինելու իրավունքի (տնօրինչականության սկզբունքի) վրա։ Այս առումով փաստի (փաստերի) ընդունումը հարկավոր է տարբերել հայցի լրիվ կամ մասնակի ընդունումից։ Վերջին դեպքում տեղի է ունենում ոչ թե պարզապես հայցի հիմքում դրված փաստի (կամ փաստերի) ընդունում, այլ հայցի առարկայի (հայցապահանջի) և միաժամանակ դրա հիմքում դրված բոլոր փաստերի անվերապահ ընդունում։ Եթե հայցի լրիվ կամ մասնակի ընդունումը պատասխանողը պատճառաբանելու պարտականություն չունի, ապա կոնկրետ փաստի ընդունումը, առանց հայցապահանջը և դրա հիմքում դրված մյուս պահանջները ընդունելու, ՀՀ քաղաքացիական դատավարությունում չի հանդիսանում վարքագիծ չպատճառաբանվող ակտ։ Դա է պատճառը, որ օրենսդիրը դատարանին վերապահել է ընդուն-

ՔԱՂԱՔԱՅԻԱԿԱՆ ԻՐԱՎՈՒՆՔ ԵՎ ԴԱՏԱՎԱՐՈՒԹՅՈՒՆ

ված փաստը հաստատված համարելու հայեցողական լիազորություն: Դատարանն իրավասու է ցանկացած դեպքուն պարզելու փաստն ընդունող կողմի շարժառիթները: Ինչպես իրավացիորեն նշում է Դ.Ա. Ֆուրսովը, չի կարելի թույլ տալ, որ մասնավոր շահի սուբյեկտը դրսնորի անհարգալից վերաբերմունք հանրային-իրավական կարգի նկատմամբ²⁴:

Ասվածը հաշվի առնելով՝ գտնում ենք, որ ճիշտ կլիներ «խոստվանության» և անվիճելի հանրավոր «չվիճարկվող փաստերի» մասին նորմերը գետեղել ՔԴՕ 52 հոդվածում բացառելով փաստի ընդունման հետ կապված իրավադրույթները բացառապես կողմի ցուցմունքի հետ կապելու հնարավորությունը: Այդ կապակցությամբ ողջունելի կարելի է համարել ՎԴՕ 27-րդ հոդվածի 4-րդ մասի գոյությունը, ըստ որի՝ ապացուցման կարիք չունեն այն փաստերը, որոնք հակառակ կողմը չի վիճարկում, բացառությամբ այն դեպքի, երբ դատարանը գտնում է, որ դրանց ապացուցումն անհրաժեշտ է: Մեր կարծիքով, ՔԴՕ 52-րդ հոդվածը կարելի է լրացնել հետևյալ բովանդակությամբ 4-րդ կետով՝ միաժամանակ ուժը կորցրած ճանաչելով օրենսգրքի 64-րդ հոդվածի 2-րդ մասը.

«Ապացուցման կարիք չունեն այն փաստերը, որոնք ապացուցման պարտականություն կրող կողմն ընդունում է իր կողմից ներկայացված դատավարական փաստաթրով կամ դատական նիստի ընթացքում արված հայտարարությամբ, կամ սույն օրենսգրքի 95-րդ հոդվածով սահմանված կարգով և ժամկետում առարկություններ չներկայացնելով կամ դատաքննության ընթացքում տվյալ փաստական հանգամանքների վերաբերյալ ցուցմունք կամ պատասխան տալուց հրաժարվելով, բացառությամբ այն դեպքի, երբ դատարանը գտնում է, որ դրանց ապացուցումն անհրաժեշտ է՝ արդարադատության շահերից կամ ապացույցների թույլատրելիության կանոններից ելնելով»:

Գործին մասնակցող անձի կողմից այն փաստն ընդունելը, որի միջոցով նյուտ անձը հիմնավորում է իր պահանջները կամ առարկությունները, պարտադիր չէ դատարանի համար:

Դատարանը կարող է ընդունված փաստը համարել հաստատված, եթե կասկածներ չկան, որ դա համապատասխանում է գործի հանգամանքներին, և կողմն այն չի ընդունել խարեւության, բռնության, սպառնալիքի, մոլորության ազդեցության տակ, մեկ կողմից ներկայացուցչի հետ նյուտ կողմի չարամիտ համաձայնության հետևանքով կամ ճշմարտությունը բարցնելու նպատակով»:

¹ Տե՛ս Տեория правосудия. В 3-х томах. **Под ред. Фурсов Д.А., Харламова И.В.** Т. 2: Гражданское судопроизводство как форма отправления правосудия. — М.: «Статут», 2009, էջ 343:

² Տե՛ս **Баулин О.В.** Бремя доказывания при разбирательстве гражданских дел. Дисс. докт. юрид. наук. - М., 2005, էջ 115:

³ Տե՛ս **Владимиров Л.Е.** Учение о доказательствах. — Тула, 2000, էջ 178:

⁴ Տե՛ս **Баулин О.В.**, նշված աշխատ., էջ 116:

⁵ Տե՛ս **Մեղրյան Ս.Գ.** Առաջին դատա-

րանի քաղաքացիական գործերով դատական ակտերը, -Եր., ԵՊՀ հրատ., 2010, էջ 158:

⁶ Տե՛ս **Պետրոսյան Ռ.Գ.**, Հայաստանի քաղաքացիական դատավարություն, 3-րդ հրատ., -Եր., Երևանի համալիր, 2007, էջ 355:

⁷ Տե՛ս նույն տեղով:

⁸ Տե՛ս Տեория правосудия. Т. 2, էջ 328:

⁹ Տե՛ս **Загайнова С.К.** Судебные акты в гражданском и арбитражном процессе: теоретические и прикладные проблемы. Дисс... д.ю.н., Екатеринбург, 2008, էջ 386:

ՔԱՂԱՔԱՑԻԿԱՆ ԻՐԱՎՈՒՆՔ ԵՎ ԴԱՏԱՎԱՐՈՒԹՅՈՒՆ

BASES FOR EXEMPTION FROM PROOF IN CIVIL PROCEDURE

SERGEY MEGHRYAN

*Head of Chair of Civil Procedure of YSU,
Candidate of legal science, associate professor*

Cognition by means of evidence is one of the most prevailing and significant but not the single way for establishment of factual circumstances of civil cases. Current civil procedural legislation of RA envisages also other ways of establishment of facts of legal significance which are supposed to exempt the parties from proof. Bases for establishment of the target fact may be its notoriety, prejudiciality and incontestability.

On the basis of analysis of procedural norms of RA legislation and several decisions of Court of Cassation of the RA, as well as with regard to achievements of domestic and foreign science of civil procedure, in the present article an attempt is made to reveal the general criteria of admission of notoriety, prejudiciality and incon-

testability of the facts. The concept of notoriety of the facts, conditions and procedural order of their admission are considered. Analysis is conducted on the concept and procedural meaning of prejudices, objective and subjective margins of prejudicial relationship between judicial acts, as well as the bases excluding prejudiciality of circumstances established by judgment at law for previously examined cases (e.g. establishment of facts not included in the ultimate fact by judgments on previously examined cases, failure to comply with rules of formal judicial proceedings when establishing facts, establishment of facts by judgments on previously examined cases in conditions of impermissible limitation of procedural rights of persons, participating in the proceedings). On the basis of analysis of the system of civil procedural norms on evidences and bases for exemption from proof, in the present article suggestions are drawn up aimed at imperfection of the norms regulating incontestable evidences and their admission as established ones.